

## **Teletael Lousbech er ngii a Stake me a Ward a Ldubech a Bkaischemrungel**

A chelechad er a stake me a ward a sebechir lousbech er tial teletael e kudmokl a moktek el kirel a bkaischemrungel el tekoi (mesa *Handbook 1: Stake Presidents and Bishops* [2010], 5.1.3 me a 5.2.11). A stake me a ward a kirir el dmak loureor lobengkel a buai. A roungerachel a sebechir lomekedong er a rechad loungerachel a tekoi er a ngeso el mo kaingeseu sel dubech a bkaischemrungel. A kot el bedochel el moktek a kedeb e diak el meringel. A rengara chelechad a ungil a le blechoel chadecheduch el kedmokl a moktek.

### **A Kot: Momdasu Aikel Sebechel Duubech el Kerior**

Mluches aikel kerior (di ngii el dubech malechub eng mekedmokl er a chad) el ngii a sebechel dubech er a basio el mngarngii. Ea dersta er ngii, e mluches aikel teletael er a omeruul el ngii a mo usbechall. (El uaia: Asekum eng sebechel tomall a blai—el uaia rua desiu, ngau, ieleb, maelchub a ichadedaob—ea kot el ruoll a sikii a basio le borngii a telungalek.)

### **Ongerung: Mngai a Meklou a Belkul Tekoi**

Mkedmokl e molab aikakid el tekoi:

- Dengua er a rokui el chedal a ikelesia me a remisionari el kiei er a maori er a stake me a ward.
- Map er a basio, luldumokl aikel le kiei er ngii a rechedal a ikelesia me a remisionari
- Ngklir a rechedal a ikelesia el tir ousbech a tokubets el ngeso, a rechitechut me a remecheuodel.
- Ngklir a rechedal a ikelesia lolab a dongu malechub a tokubets el duch (el uaia duch er a ukeruul me a tekoi er a bkaischemrungel) el ngii a usbechall er a taem er a kerior.
- Dengua er a ikel selbechakl lolsechall er a buai (el rua blil a bulis, ngau, ukeruul).
- Dengua er a ikel chelchad er a buai (el rua, Red Cross malechub a Red Crescent) el ngii oltobed a ngeso, er a rua kall, basio, me a ukeruul.
- Dengua er a oungerachel a tekoi er a ngeso, me a lsekum e ngarngii, a chedal a Ikelesia loungerachel a tekoi er a ngeso.

### **Ongedei: Blechebechel a Kedmekill me a Omeruul**

Mluches a teletael el chelechad a mo oltirakl el kirel aikel kedmekill, el otereklii a chad el mo oungerachel me a teletael loltirakl er ngii. Moterkeklii a kot el basio malechub e ngongeru el basio el bol kldibel er ngii a rechedal a chelechad el kirel a teletael er a ngeso ruriul er a bkaischemrungel.

#### **Uchei er a Idubech a kerior**

- Mkedmeklii a ungil deleuill er a ureor lobengterir a remengeteklel a beluu me a bebil er a ngeso er a buai.

#### **Uriul er a kerior**

- Bo modengei e mouchais a teletelir a rechedal a ikelesia me a remisionari.  
*A teletelir a rechedal a ikelesia a mngai lokui a roldingel e olisechakl el mora roungerachel er a chelechad, e tir ouchais el mora bisop. Ea, rebisop, ouchais el mora merreder er a stake.*
- Molngeseu losiik e moldak er a rechedal a telungalek el tir a mlo chacheroid.
- Mngai a teletael er a ukeruul el mo er tirkel miltemall malechub e ngarngii a telmellel a bedengir.
- Moureor lobengterir a remengeteklel a beluu me a bebil er a chelechad er a buai.
- Bo modengei aikel ngii a usbechall el kirel a tekoi er a ngeso—a rua kall, basio, omengedmokl, me a bail,—el mora rechedal a ikelesia me a rebibil er a rechad.  
*A roungerachel a tekoi er a ngeso, asekum e ngarngii, ea roungerachel a teletael er a ngeso er a Ikelesia a mokedong el mo olngeseu.*
- Bo modengei e mouchais a teletael er a omekedecheraol me a klalo er a Ikelesia.

#### **Sel ulebongel er a kerior e**

- Modars a ngeso el mora rechedal a ikelesia el tir a miltemall a blirir malechub a kloklir, rengir, malechub a kodall el mlo er tir.
- Moureor lobengterir a remengeteklel a beluu me a chelechad er a ngeso el mes a techall el Ikelesia a sebechel ngoseuir a buai er a ikel lousbech.

### **Onguang: Mkedmeklii a Teletael er a Cheldechaduch er a taem er a Bkaischemrungel**

Mkedmeklii a ungil teletael er a cheldechaduch el sebechel usbechall asekum a rua dengua, me a cell, malechub a rael a metemall er a taem er a kerior. Aikal teletael a sebechel luldumokl er ngii a:

- Cheldechaduch lokiu a Internet (luldumokl a email, social media, me a Internet telephony).
- Text lousbech a cellular phone (a sebechel usbechall el diak a belkul mrengesii a ngor).
- Okiu a razio.
- Odingel a sebechel lokiu omerael, rrat, me a lmuut el bebil. (A remisionari a dirrek el sebechir lolngeseu.)

A lusbechall, ea roungerachel er a priesthood a sebechir lomekedong er a rechedal a ikelesia el mo oungerachel a tekoi er a cheldechaduch. A remeduch a blechoel lolab a klekedall er a cheldechaduch e dirrek el meduch er ngii el teletael.

## **Teletael a Ldubech a Bkaischemrungel er a Stake me a Ward—a melemolem**

---

### **Ongeim: Mongelechel er a Rechedal a Ikelesia el mo Kldmoki**

Mongelechel er a rechedal a ikelesia el mo blechoel kldmoki e bo loltiraki a tekoi er a cheseli a babier el *All Is Safely Gathered In: Family Home Storage* (04008) me a *All Is Safely Gathered In: Family Finances* (04007). A kedmeklel tiang a sebechel luldumuki er ngii a:

- Miting er a Chelehad me a Relief Society.
- Miting er a Sakrament malechub a cheldecheduch er a ongdibel er a stake.
- Klumech er a rodingel e olisechaki.